

御製詩初集

卷十六
至十九

御製詩初集卷之十六

古今體一百一首

癸亥五

七月初八日因往盛京叩謁

祖陵恭奉

皇太后始發圓明園作

虞采綏旌次第排金風湊爽滿天佳王途于邁高秋淨帳殿承

歡愛日諧望裏關東多王氣行經塞北暢清懷繇繇寶穡秋成近觸撥吾悰詎有涯

清河道中

秋原靜且嘉
秋路足烟花
林重猶遮騎
途乾不礙車
山容看已近
塞景未應賒
騶從茲伊始
行行攬物華

石槽行宮疊舊韻

雨霽園林景色妍
羣芳繞砌足幽娟
翠含螺黛山迎戶
影覆曾青樹隱天
露到新秋纔欲白
月幾望夕又將圓
前年今歲原無隔
詩白推敲未忍眠

郊行

蕎尚青青黍欲黃金風時送粥饘香翠華搖
曳纖塵淨歡切郊行十里強

野老扶兒望六飛停鞭問處話依依金吾莫
謾頻呼蹕一向籌伊凍與饑
滑笏溪流曲抱村遊絲白日靜秋原村翁不
識鑾輿過跣足科頭倚華門

黃花路

三年兩過黃花路勝槩詩情越覺便幾處人

家依近郭一天烟景鬪前川無塵雅稱遲征
馬有響方知咽晚蟬試問武陵溪在否只疑
宛在白雲邊

野雀

野雀噪庭樹不為無人止雜英豔蘚階似為
客添喜聲色本如是非彼亦非此婆湏正鬧
時天龍惟一指

懷柔縣懷古

此日經行處前朝守禦艱金湯非險阻天地

此關山永念惟承器常時自汗顏懷柔無近
遠詎止旬畿間

懷柔縣行宮對月

當秋玉輪皎况將臨望夕高空無纖雲銀河
寫修白而我因上

陵王路此于役行宮隣古縣晚景歸吟撫轅
門息葆吹蘭鐙倚畫戟愛此清宵佳對彼涼
蟾碧蒼松韻金籟徘徊泛瑤席秋英何盈盈
啼蜚蛩絲唧唧沈寥良足欣襟懷增暢適誰復

御製詩集卷一
尋前題俯仰論今昔

望長城作

金墉迤邐倚山尖想像當時守備嚴但擬天
驕祛冒頓那知民怨萃蒙恬千秋形勝曰循
覽萬古興亡取次覘自是天心無定向從來
違順卜鰲黔

躬詣盛京雖命省騶從而經過州縣豈
盡免力役之勞因詔免今年田租以
示如傷之意

省耕省歛古所聞哲后禮不廢時巡矧茲上
陵實舊制有其舉之敢弗因盛京佳氣東來
紫駢駢六御今伊始山圍冀野遍桑麻峰標
木葉經迤邐今年北鄙若雨暘沿途攬轡禾
黍香雖云比戶足衣食怨咨民瘼刻豈忘千
乘萬騎邁寓縣錢鏐將戙民情忤豈無力役
勞閭閻中心徘徊不能宴朝廷德詔應時下
蠲租逮彼千村社匪欲小補悅斯民
皇祖當年煦嫗者

臨白河

密雲古雄郡山川何壯哉白河襟其右圓流
多湫洄野花夾岸紅中涵鏡影開是時秋漲
過波聲猶喧豓豈能駕虹橋臨渡且徘徊因
知投鞭言侈志禍之媒駢舟作輿梁橫陳榆
柳材力作爾毋亟匪為遊觀來

密雲行宮晚坐

金風玉露靜秋天別館初開翰墨筵亦有蛩
聲啼砌下那無月色到窓前山圍大野寥蕭

夕宇轉新晴
淡沲煙何必
御園雲水榭
忘懷是處俗
塵蠲

爽

遙山捲朝嵐
素景澄空宇
微涼拂征鞍
信是宜秋旅
螻蛄叫敗籬
白露下寒楚
欣看築圃場
厭聽敲砧杵
纖雲縷遠天
須臾迷處所

九松山

信轡度迴峯
引領瞻巖戶
九松本名山
精藍亦已古
鐘聲響隔雲
塔影直當午
其山無凡

木蒼松以千數龍鱗未許摩虬蓋差堪覩不
辨舊與新遑論賓主云胡以九稱想似秦
時五

要亭行宮疊舊韻

遊絲爽籟闢秋陽戶列堯峯翠杳茫歷歷出
籬垂果羸嚶嚶繞砌足常羊月臨素節連天
淨詩寄高岑引興長今昔儘伊如是住筌蹄
咲我未曾忘

露

應節如垂玉晞陽欲起烟潤餘霏晚卉涼始
到前川莎阪愁蛩語蘭皋遲客鞭名言思祭
義觸景倍悽然

閱古壯口將士較武

九天備正竒萬隊揔熊羆守德勝守險忘安
不忘危憑軒觀鶴躍亘野布魚麗更念邊烽
靖因思

祖澤垂

攬勝軒小憩

偶來精室憇征鞍窗啟嵐光送曉寒谷裏蛩
旌烟裏度座中羽騎畫中看盥盥古柏陰猶
翠的的秋英露未乾不向空王陳罪福闍黎
空自羨人檀

曉行

啟明昇東方山色湏臾辨露氣侵衣濕沙埒
印蹄慙臨風過柳蹊衝烟歷雲棧蛩聲向暖
稀峰態隨人轉送旅物皆然途景差堪遣

出口

山自穹窿水自潺
扼吭朔塞此雄關
當年萬里朱殷地
巡狩三秋數往還

關外山田

關外山田盡作梯
漠南風景似江西
水流野澗全無約
谷轉荒村別有蹊
樂事食瓜無剥棗
生涯炊黍更蒸藜
百年赤子經休養
物土耕桑六合齊

半載宵衣課雨暘
停鞭一覽樂無央
却欣民色渾非菜
即看雲容欲作黃
玉塞甫田遲錢

鑄羽林飛騎漫驂驤
去年惕厲今猶憶
且喜

秋臨淮海揚

直隸頻歲有收雖今夏河間天津被旱然秋成之處多是尚易

辦所慮惟淮揚災饑之餘元氣未復聞今歲頗可望有收故云

較射

不數烏號勁
休論夏服奇
主賓遵揖讓
進退足威儀
信可因觀德
須知不主皮
戎衣天下定
况是我朝基

曉景

山隱金烏越峭寒
谷迴曉景已三竿
如茵似

毯莎猶綠欲墜還留露未殘人指青帘沾濁
酒馬臨白汴飲清瀾楓岑榭阪遲詩約塞上
重吟一片丹

常山峪行宮疊舊韻

景愛三秋始

恩思廿載前

音容魂夢裏歲月庶蕉邊小憩松篁閣還陳
翰墨筵誠知仙是幻堪以日為年列岫迎牕
翠閒花繞砌妍繼繩吾未逮矢此一心肩

常山峪行宮八景

綠樾徑

灌木盪山腰濃陰日翳翳豁開壺中天迥異
人間世

虛白軒

虛室能生白一氣常函三閒情空外寄妙道
箇中叅

青雲梯

青雲信有梯丹崖暫延佇鹿豕出翠微逢迎